

ARLeF: La identitât linguistiche cjantade e sunade dai artiscj furlans emergjents

Rai3 e met in onde la prime serie dai documentaris di Int/Art, fats cul contribût de Agenzie e dal Fonts regionâl pal Audiovisîf e cu la regjie di Dorino Minigutti

Ce vuelial dî jessi artiscj zovins inte provincie europeane? Trop isal complès esprimi la proprie creativitât intune lenghe minoritarie? La lenghe puedie determinâ une divierse sensibilitât artistiche? Cemût si cumbinino lis propriis lidrîs culturâls cul bisugn di contaminazion e di inovazion? A son chestis cualchidune des domandis che il **projet INT/ART - serie di 15 documentaris** curts di 13 minûts ognidun, direts dal regist udinês Dorino Minigutti - al vûl cirî rispueste. INT/ART al vûl stimolâ une riflession su **la influence e sul rûl che la identitât linguistiche e culturâl a àn pai zovins creatîfs intes diviersis dissiplinis artistichis**.

Il projet, fat de **societât Agherose di Udin** (un team di professioniscj de comunicazion audiovisive) **cul contribût de ARLeF (Agenzie Regionâl pe Lenghe Furlane) e dal Fonts regionâl pal Audiovisîf**, si articole in trê seris di cinc pontadis: musiche, arts visivis, scritture, teatri e danze. La prime serie e à tant che protagoniscj i musiciscj des ultimis gjenerazions, rapresentants di gjenars musicâi che a cumbinin plui elements di interès, che a spaziin dal virtuosism esecutîf ae originalitât dai tescj; de vocazion a contâ la proprie tiere ae capacitât di strissinâ il public dilunc des prestazions.

«Il projet di INT/ART al rapresente une des otimis produzioni che, confermant il snait creatîf e la alte professionalitât dai produtôrs independents furlans, la ARLeF e à podût sostignî intal ultin periodi - al dîs Lorenzo Fabbro, president de Agenzie - . I ponts di fuarce di cheste serie di documentaris, pensâts sedi pe television che pal web, a son la contemporaneitât dai temis e des storiis contadis, cun al centri zovins, art, creativitât, lenghis e teritori. INT/ART al è un projet che o podaressin definî glocal, furlan pe lenghe veicolâr ma internazionâl pai temis e pe puartade divulgative, che dal sigûr al sarâ preseât ancje fûr dal Friûl»

«La poie ai progjets in lenghe furlane – al zonte il diretôr dal Fonts regionâl pal Audiovisîf, Paolo Vidali - al è dal dut in linie cui compits dal Fonts che a son chei de poie prioritarie ae produzion locâl. Ma, di là di un contignût culturâl originâl, tant che ducj chei altris, a àn di jessi progjets di cualitât assolude e a circuitazion largje».

"Al è interessant viodi il rapuart che al lee la produzion di un artist cu la sô lenghe mari. - al dîs il regist Dorino Minigutti - No je dome une relacion che si fonde su lis peraulis. Al è un leam fuart che par paradòs si pues cjatâ ancje tal assolo di un baterist jazz".

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
 Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<

Graciis ae colaborazion cu la sede Rai pal Friûl-VJ, la prime serie (3 pontadis cun 5 intervistis) **e sarà trasmetude** cun chest calendari: Dek Ill Ceesa (rapper), Elsa Martin (cjantante), domenie ai 12 di Fevrâr aes 10.35, Rai3; in repliche, miercus ai 15 di Fevrâr, aes 21.50, Rai3 bis CH.103; Rudy Citossi (cjantautôr) e Caia Grimaz (cjantante), domenie ai 19 di Fevrâr, aes 10.35, Rai3; in repliche, miercus ai 22 di Fevrâr, aes 21.50, Rai3 bis CH.103; Alessandro Mansutti (baterist), domenie ai 26 di Fevrâr, aes 10.50, Rai3; in repliche, miercus prin di Març, aes 22.05, Rai3 bis CH.103.

CREDITS

Regjie: Dorino Minigutti

Subiet: Giorgio Cantoni, Dorino Minigutti

Diretôr de fotografie: Debora Vrizzi

Aiût operadôr: Francesco Snidero

Fonic: Francesco Morosini, Havir Gergolet

Montaç: Andrea Guarascio

Musichis: AAVV

Ricercjis: Giorgio Cantoni

Web: Remigio Guadagnini

Social web: Elena Buzzinelli

Produzion: Agherose s.r.l.

Formât: Full-HD

Durade: 13'

Numar pontadis: 15

Lenghe originjâl: furlan

Sottitui: talian

An produzion: prime serie 2016

Progjet fat cul contribût di: ARLeF, Fonts regionâl pal Audiovisîf

Udin, ai 6 di Fevrâr dal 2017

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail:** arlef@caltpr.it

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<